

四庫全書

史部

欽定四庫全書

欽定續通志卷四百十八

列傳

遼二

耶律烏哲

唐古

耶律厚

和勒博

耶律安圖

蕭塔喇噶

耶律塔喇

耶律伊勒哈

蕭和斯

高勲

耶律薩哈

耶律賢適

室昉

紐哩

劉景

郭襲

耶律蘇色

耶律阿穆爾

邢抱朴

馬得臣

耶律和克

穆爾古

耶律烏哲字達年系出孟父房姿簡靜有器識重然諾  
遇事造次處之從容人莫能測博學知天文會同間為

特哩袞太宗崩諸大臣立世宗太后聞之怒甚遣皇子魯呼以兵逆擊敗于泰德泉魯呼盡執世宗臣僚家屬謂守者曰我戰不克先殪此曹人皆洵洵軍次潢河橫渡隔岸相拒時烏哲從太后世宗以烏哲善籌欲行間乃設事奉書以試太后太后得書以示烏哲烏哲曰太后佐太祖定天下故臣願竭死力若太后見疑臣雖欲盡忠得乎為今之計莫若以言和解事必有成否即宜速戰以決勝負人心一搖國禍不淺又曰魯呼永康王

皆太祖子孫神器非移他族太后宜思長策與永康王和議太后曰誰可遣者對曰太后不疑臣臣請往萬一永康王見聽廟社之福太后乃遣烏哲授書于帝帝遣宣徽使耶律哈斯復書辭多不遜烏哲諫曰書意如此國家之憂未艾也能釋怨以安社稷則臣以為莫若和帝曰彼衆烏合安能敵我烏哲曰即不敵奈骨肉何況未知孰勝借曰幸勝諸臣之族執于魯呼者無噍類矣左右聞者皆失色帝讓之曰汝與朕屬尤近何反助太

后烏哲曰臣以社稷至重不可輕付故如是耳

原文在  
詩立永

康下令依  
弘簡錄改

良久帝問曰若何而和烏哲對曰與太后相

見各紓忿恚和之不難不然決戰非晚帝然之遂遣哈

斯詣太后約和往返數日議乃定始相見怨言交議殊

無和意太后謂烏哲曰汝當為我畫之烏哲進曰太后

與大王若能釋怨臣乃敢進說太后曰汝第言之烏哲

借謁者籌執之謂太后曰昔人皇王在何故立嗣聖太

后曰立嗣聖者太祖遺旨又語帝曰大王何故擅立不

稟尊親答曰人皇王當立而不立我正當立烏哲正色  
曰人皇王捨父母之國而奔唐子道當如是耶大王見  
太后不少遜謝惟怨是尋太后牽于偏愛託先帝遺命  
妄授神器如此何敢望和當速交戰擲籌而退太后泣  
曰向太祖遭諸弟亂天下荼毒瘡痍未復庸可再乎乃  
索籌一帝曰父不為而子為又誰咎也亦取籌而執左  
右感激大慟太后復謂烏哲曰議既未定神器竟誰歸  
烏哲曰太后若授永康王順天合人復何疑魯呼復厲

聲曰我在烏裕安得立烏哲曰禮有世嫡不傳諸弟昔  
嗣聖之立尚以為非況公暴戾殘忍人多怨讟萬口一  
辭願立永康王不可奪太后顧魯呼曰汝實自為之乃  
許立永康天祿二年耶律天德蕭翰謀反下獄特哩袞  
瑠格及其弟瓚都結天德等為亂耶律寔喇潛告烏哲  
烏哲遽引入見白其事瑠格等不服事遂寢未幾瑠格  
邀駕觀撈捕捧觴上壽袖刃而進帝覺命執之親詰其  
事瑠格自誓帝復不問烏哲奏曰當使瑠格與寔喇對



狀不可輒恕帝曰卿為朕鞠之烏哲率劍士訊之天德

等皆伏罪三年為右皮室詳袞

按遼史傳繫之五年考察克傳烏哲列察克姦

狀時已為右皮室詳袞而察克之行弑在五年蓋因事聯屬而誤綴謹改正

表列泰寧王察

克陰謀事帝不聽五年秋察克弑帝烏哲聞有言衣紫

者不可失乃易衣而出亟遣人名諸王及喻禁衛長皮

室等同力討賊時壽安王歸帳烏哲遣弟冲迎之王至

尚猶豫烏哲曰大王嗣聖子賊若得之必不容羣臣將

誰事社稷將誰賴萬一落賊手悔將何及王始悟諸將

聞烏哲出相繼而至遲明整兵出賊不意圍之遂誅察  
克亂既平穆宗即位謂烏哲曰朕之性命實出卿手命  
知國事以逆黨財產盡賜之烏哲固辭應歷五年為北  
院大王總山西事保寧初宋圍太原以烏哲率兵往援  
至白馬嶺遣勁卒間道疾馳駐太原西鳴鼓舉火宋兵

以為大軍至懼而宵遁

按太原之圍遼紀不載通鑑宋太祖開寶二年圍太原北漢兵

屢敗遼遣南大王者將兵來援會暑雨軍士多疾乃還時遼保寧元年也意所云南大王者即係烏哲而通鑑失具名與以功加裕悅四年漢劉繼元遣使來貢致幣於烏

欽定四庫全書

哲烏哲以聞帝命受之五年

遼史傳作是年  
據景宗紀改

五月薨年

五十七子唐古

唐古字敵隱廉謹善屬文統和二十四年述烏哲安民  
治盜之法以進補小將軍遷西南面巡檢歷壕州刺史  
唐古部詳袞嚴立科條禁奸民鬻馬于宋夏界因陳弭  
私販安邊境之要太后嘉之詔邊境遵行著為令朝議  
欲廣西南封域黑山之西綿亘數千里唐古言戍壘太  
遠卒有警急赴援不及非良策也從之西蕃來侵詔議

守禦計命唐古勸督耕稼以給西軍田于臚朐河側是  
歲大熟明年移屯鎮州凡十四稔積粟數十萬斛斗米數  
錢重熙間改烏延党項部節度使先是築哈屯城以  
鎮西域諸部縱民畜牧反招寇掠重熙四年上疏曰自  
建哈屯城以來西蕃數為邊患每煩遠戍歲月既久  
國力耗竭不若復守故疆省罷戍役不報是年致仕乞  
勒其父烏哲功于石帝命耶律庶成製文勒石上京崇  
孝寺卒年七十八

耶律厚字赫魯六院部額爾奇木博果濟之後端慤好  
施不事生產太宗特加倚任會同六年為南院大王莅  
事精簡人不敢以年少易之時晉主石重貴表不稱臣  
辭多倨慢厚言晉罪不可不伐及帝親征以所部兵從  
既入汴諸將皆取內帑珍異厚獨取馬鎧帝嘉之及帝  
崩於藥城無遺詔軍中憂懼不知所為厚詣北院大王  
耶律幹議曰天位不可一日曠若請于太后則必屬魯  
呼暴戾殘忍詎能子民必欲厭人望則當立永康王幹

然之會耶律安圖來意與厚合遂定議立永康王是為  
世宗以功加採訪使賜以寶貨辭曰臣位已高敢復求  
富臣從弟達魯諸子坐事籍沒陛下哀而出之受賜多  
矣帝曰厚舍重賞而以族人為請其賢遠甚許之仍賜  
宮戶五十時有取當世名流作七賢傳者厚與其一祿  
三年卒年三十九子和勒博

和勒博字寔訥嘗與耶律烏哲平察克亂穆宗以其父  
厚首議立世宗故不顯用晚年為本族敵史及景宗即

位授昭德軍節度使為北院大王時黃龍府軍將燕頗  
殺守臣以叛和勒博討之破于鴨綠江坐不親追擊以  
至失賊杖之乾亨間卒

耶律安圖曾祖揚珠玄祖之長子

按皇子表揚珠  
實玄祖次子祖春

博里為本部額爾奇木父迪里幼多疾時太祖為塔瑪  
轄實呼嘗加撫育神冊六年為特里袞從太祖將龍軍  
討準布克項有功天贊三年為南院額爾奇木征渤海  
攻輝罕城俘斬甚衆太祖崩淳欽皇后稱制欲以大元

帥嗣位迪里建言帝位宜先嫡長今東丹王赴朝當立  
由是忤旨以黨附東丹王詔下獄訊鞠加以炮烙不伏  
殺之籍其家安圖自幼若成人居父喪哀毀過禮見者  
傷之太宗屢加慰諭嘗曰此兒必為令器既長寡言笑  
重然諾動遵繩矩事母至孝以父死非罪未葬不預宴  
樂世宗在藩邸尤加憐卹安圖密自結納太宗崩于樂  
城諸將欲立世宗議未決時安圖直宿衛世宗密召問  
計安圖曰大王聰明寬恕人皇王之嫡長天下屬意今



若不斷後悔無及會有自京師來者安圖詐以魯呼死傳報軍中皆以為信於是安圖詣南北二大王計之北院大王幹曰先帝常欲以永康王為儲貳今日之事有我輩在孰敢不從但恐不白太后而立為國家啟釁安圖曰永康王賢明人心樂附今天下甫定稍緩則大事去矣若白太后必立魯呼如社稷何南院大王厚曰此言是也乃奉世宗即位帝立以安圖為腹心總知宿衛是歲約和于黃河橫渡太后問安圖曰吾與汝有何隙

安圖以父死對太后默然及置北院樞密使命安圖為之賜奴婢百口寵任無比事皆取決焉然性太寬事循苟簡豪猾縱恣不能制天祿末察克兵犯御幄又不能討中外短之穆宗即位以立世宗之故不復委用應歷三年或誣安圖與齊王雅斯哈謀亂繫獄死姪索吉左皮室詳袞

蕭塔喇噶字托寔六院部人素剛直太祖時坐叔祖特順謀殺裕悅舒魯沒入弘義宮世宗即位以舅氏故出

其籍補國舅別部敝吏或言泰寧王察克有無君心塔喇  
噶曰彼縱忍行不義人孰肯從他日侍宴酒酣塔喇噶  
捉察克耳強飲之曰帝固知汝傲狠然以國屬曲加矜  
憫使汝在左右且度汝才何能為若長惡不悛徒自取  
赤族之禍察克不能答強笑曰何戲之虐也天祿未為  
北府宰相及察克作亂塔喇噶醉詈曰吾悔不殺此逆  
賊尋為察克所害

耶律塔喇字尼嚕袞六院部郎君尼固察之後沉厚多

智有任重才年四十未仕會同間為邊部令衮應歷初  
陞南院大王均賦役勸耕稼部人化之戶口豐殖時周  
人侵漢以塔喇都統西南道軍援之周已下太原數城  
漢人不敢戰及聞塔喇兵至周主遣郭從義尚鈞等按五

代史契丹志及遼史穆宗紀俱作符彥卿通鑑作李  
筠張永德此又作郭從義尚鈞蓋皆當時別將也率

精騎拒於忻口塔喇擊敗之獲其將史彥超按通鑑言  
彥超恃勇

輕進為遼所殺而本傳言獲者武即春秋  
胡氏傳所云大夫生死皆曰獲之義歟周軍遁歸復

所陷城邑漢主詣塔喇謝及漢主殂宗師來伐帝命塔

喇為行軍都統

穆宗紀作兵馬總管

發諸道兵救之既出鴈門宗

謀知而退保寧元年加兼政事令致政乾亨初召之帝

見鬚髮皓然精力猶健問以政事厚禮之以疾薨年七

十九塔喇凡用兵賞罰信明得士卒心河東羸弱不為

周宗所併者塔喇有力焉在治所不修邊幅百姓無稱

年穀屢稔時耶律烏哲居北院塔喇居南院俱有政迹

朝議以為富民大王云

耶律伊勒哈字蘓色本宮分人檢校太師嚇嚕

按此與前卷赫

噶非之子應歷初以父任入侍數歲始為殿前都點檢  
一人

時帝新即位疑諸王有異志引伊勒哈為布衣交一切  
機密事必與之謀遷寄班都知賜宮戶時帝酩酒數以  
細故殺人有監雉者因傷雉而亡獲之欲誅伊勒哈諫  
曰是罪不應死帝竟殺之以屍付伊勒哈曰收汝故人

伊勒哈終不為止復有監鹿詳哀亡一鹿下獄當死伊  
勒哈又諫曰人命至重豈可為一獸殺之良久得免遼法  
廢岐角者惟天子得射會秋獵善為鹿鳴者呼一鹿至

命伊勒哈射應弦而踣帝大悅賜金銀名馬及黑山東  
穆辰之地後穆宗被弑坐守衛不嚴被誅

蕭和斯字延寧世為北院吏累遷御史中丞總典羣牧  
部籍應歷初遷左客省使未幾拜御史大夫時諸王多  
坐事繫獄帝以和斯有才幹詔窮治稱旨改北院樞密  
使仍命世預宰相選和斯辭曰臣子孫賢否未知得一  
客省使足矣從之帝晚歲酗酒用刑多濫和斯居要地  
蹢躅自保未嘗一言匡救議者以是少之年五十七卒

高勲字鼎臣晉北平王信輜之子性通敏仕晉為閤門使會同九年與杜重威來降太宗入汴授四方館使好結權貴能服勤大臣多推譽之天祿間為樞密使總漢軍事五年奉使冊劉崇為帝應歷初封趙王出為上京留守尋移南京會宋欲城益津勲上書請假巡徼以擾之帝然其奏宋遂不果城十七年宋畧地益津闕勲擊敗之按益津之役宋史不載遼紀應歷十三年命勲擾宋而勲之請則繫之十七年與傳互異當以本傳為知南院樞密事景宗即位以定策功進王秦保寧中



以南京郊內多隙地請疏畦種稻帝欲從之林牙耶律  
昆宣言於朝曰高勲此奏必有異志果令種稻以水為  
畦設以京叛官軍何自而入帝疑之不納尋遷南院樞  
密使以毒藥餽駙馬都尉蕭卓林事覺流銅州尋又謀  
害尚書令蕭遜詔誅之沒其產賜遜家

耶律薩哈字薩蘭伊寔部人南府宰相烏魯斯子天祿  
間始仕應歷中拜伊寔大王兼知兵馬事乾亨初宋來  
侵詔以本部兵守南京北院大王希達等敗走獨薩哈

全軍還帝諭之曰拒敵當如此卿勉之無憂不富貴加  
守太保統和間卒

耶律賢適字阿克展裕悅羅卜科之子嗜學有大志滑  
稽玩世人莫之知惟裕悅烏哲噐之嘗謂人曰是人當  
國天下幸甚應歷中朝臣多以言獲譴賢適樂於靜退  
游獵自娛與親朋言不及時事會討烏爾固還擢右皮  
室詳袞景宗在藩邸常與韓匡嗣紐哩等游言或刺譏  
賢適勸宜早絕由是穆宗終不見疑賢適之力也景宗

立以功加檢校太保尋遙授寧江軍節度使賜推忠協  
力功臣帝初踐阼疑諸王或萌非望陰以賢適為腹心  
加特進同中書門下平章事保寧二年秋拜北院樞密  
使兼侍中賜保節功臣三年為西北路兵馬都部署賢  
適忠介膚敏推誠待人雖燕息不忘政務以故百司首  
職罔敢踰情累年滯獄恣決之時高勲紐哩席罷放恣  
及帝姨母保母勢薰灼納賂請謁門若賈區賢適患之  
言于帝不報以病解職又不允令鑄手印行事乾亨初

疾篤得請明年封西平郡王薨年五十三子觀音大同  
軍節度使

室昉字夢奇南京人幼謹厚篤學不出戶外者二十年  
雖里人莫識會同初登進士第為盧龍巡捕官太宗入  
汴受冊禮詔昉知制誥總禮儀事天祿中為南京留守  
判官應歷間累遷翰林學士出入禁闥十餘年保寧間  
兼政事舍人數延問古今治亂得失奏對稱旨改南京  
副留守決訟平允人皆便之遷工部尚書尋改樞密副

使叅知政事項之拜樞密使兼北府宰相加同政事門  
下平章事乾亨初監修國史統和元年告老不許進尚  
書無逸篇以諫太后聞而嘉獎二年秋詔修諸嶺路昉  
發民夫二十萬一日畢功是時昉與韓德讓耶律色珍  
相友善同心輔政整析蠹弊知無不言務在息民薄賦  
以故法度修明朝無異議八年復請致政詔入朝免拜  
賜几杖太后遣閤門使李從訓持詔勞問令常居南京  
封鄭國公初晉國公主建佛寺于南京帝許賜額昉奏

曰詔書悉罷無名寺院今以主請賜額不惟違前詔恐此風愈熾帝從之表畦所撰實錄二十卷手詔褒之加政事令賜帛六百匹九年薦韓德讓自代不從以年老賜貂皮衾褥許乘輦入朝病劇遣翰林學士張幹就第授中京留守加尚父卒年七十五賜尚書令遺言戒厚葬恐人譽過情自志其墓

紐哩字鼎爾昆逸其氏族補積慶宮人應歷初為習馬寔達爾以母憂去一日至雅伯山見一巨人惶懼走巨人

正之曰勿懼我地祇也葬爾母于斯當速詣闕乞責紐哩從之累遷馬羣侍中時景宗在藩邸以紐哩出自本宮待遇殊厚紐哩亦傾心結納及穆宗遇弒紐哩奔赴景宗集禁兵五百以衛既即位以翼戴功加政事令契丹行宮都部署尋加守太尉比漢主劉繼元聞紐哩信任遇其生日必致禮紐哩素貪同列蕭安巴達亦好賄二人相善人有氈裘為宗耳子所著者或戲曰若遇紐哩安巴達必盡取之傳以為笑保寧末坐私藏甲屬

有司方案詰于紐哩袖中又得殺樞密使蕭遜賊書賜  
死紐哩善識馬常行郊野見數馬迹指其一日此奇駿  
也以己馬易之果然

劉景字可大河間人四世祖怱即朱滔之甥唐右僕射  
盧龍軍節度使父守敬南京副留守景端厚好學能  
文燕王趙延壽辟為幽都府文學應歷初遷右拾遺知制  
誥為翰林學士九年周人侵燕留守蕭遜上急變帝欲  
俟秋出師景諫曰河北三關已陷于敵今復侵燕安可坐視



不聽會父憂去未幾起復舊職一日召草赦既成留數月不出景奏曰唐制赦書日行五百里今稽期弗發非也亦不報景宗即位以景忠實擢禮部侍郎遷尚書宣政殿學士帝方欲倚用書其笏曰劉景可為宰相頃之為南京副留守時留守韓匡嗣因扈從北上景與其子德讓共理京事俄召為戶部使歷武定開遠二軍節度使統和六年致仕加兼侍中卒年六十七贈太子太師子慎行孫一德二玄三嘏四端五常六符皆具六符傳

郭襲不知何郡人性端介識治體久淹外調景宗即位  
召見對稱旨拜南院樞密使尋加兼政事令以帝數游  
獵上書諫曰昔唐高祖好獵蕪世長言不滿十旬未足  
為樂高祖即日罷史稱其美伏念聖祖創業艱難修德  
布政宵旰不懈穆宗逞無厭之欲不恤國事天下愁怨  
陛下繼統海內翕然望中興之治十餘年間征伐未已  
而寇賊未弭年穀雖登而瘡痍未復正宜戒懼修省以  
懷永圖側聞恣意游獵甚于往日萬一有銜檠之變搏

噬之虞悔將何及況南有強敵伺隙而動聞之得無生  
心乎伏望陛下節從禽酣飲之樂為生靈社稷計則有  
無疆之休帝覽而稱善賜協贊功臣拜武定軍節度使  
卒

耶律蘇色字阿敏性忠直簡毅練武事應歷初為侍從  
累遷圖魯卜部節度使歷霸濟祥順聖五州都總管俄  
為敦睦宮太師保寧三年改九部都詳袞四年伐党項  
屢立戰功統和初皇太后稱制西邊甫定蘇色安集諸

蕃利害輒具以聞太后益信任之凡臨戎與士卒同甘苦所獲均賜將校賞順討逆威信大振在邊二十年卒耶律阿穆爾字布琳約尼兆固汗之四世孫幼聰敏保寧中為南院宣徽使統和初皇太后稱制與耶律色珍叅預國論為都統以征高麗功遷北院宣徽使加政事令四年春宋將曹彬米信等侵燕從帝親征為都監屢破敵十二年行在多盜阿穆爾立禁捕法盜始息先是叛逆之家兄弟不知情者亦連坐阿穆爾諫曰夫兄弟

雖曰同胞賦性各異一行謀逆雖不與知輒坐以法是  
刑及無罪也自今雖同居兄弟不知情者免連坐太后  
嘉納著為令致仕卒阿穆爾性好聚斂每從征所掠人  
口聚而建城請為豐州就以家奴閭貴為刺史時議鄙  
之子賢格左伊勒希巴

邢抱朴應州人刑部郎中簡之子性穎悟好學博古保  
寧初為政事舍人知制誥累遷翰林學士加禮部侍郎  
統和四年山西州縣被兵命抱朴鎮撫之民始安

按大  
同府

志應州西南有龍首書院連翰林學士邢抱朴建議附識加戶部尚書遷翰林學士

承旨與室昉同修實錄決南京滯獄還優詔褒美十年

按聖宗紀作十二年

拜叅知政事以樞密使韓德讓薦按察諸道

守令能否而黜陟之大協人望以母憂去官詔起視事

表乞終制不從宰相密諭帝意乃視事及耶律休格留

守南京又多滯獄復詔抱朴平決之人無冤者改南院

樞密使卒贈侍中初抱朴與弟抱質受經于母陳氏皆

以儒術顯抱質亦官至侍中時人榮之

馮得臣南京人好學博古善屬文尤長于詩保寧間累遷政事舍人翰林學士常預朝議以正直稱乾亨初宋師屢犯邊命為南京副留守復拜翰林學士承旨聖宗即位皇太后稱制兼宣政殿學士

按原文作侍讀學士考遼百官志有諸王

伴讀而無侍讀學士今依聖宗紀改

帝閱唐高祖太宗玄宗三紀得臣乃

錄其行事可法者進之及扈從伐宋進言降不可殺亡不可追二三其德者別議詔從之俄兼諫議大夫知宣徽院事時帝擊鞠無度上書諫曰臣竊觀房玄齡杜如

晦隋季書生向不遇太宗安能為一代名相臣雖不才  
陛下在東宮幸列侍從今又得侍聖讀陛下嘗問臣以  
貞觀開元之事臣請略陳之臣聞唐太宗侍太上皇宴  
罷則挽輦至內殿玄宗與兄弟歡飲盡家人禮陛下嗣  
祖考之祚躬侍太后可謂至孝臣更望定省之餘睦六  
親加愛敬則陛下親親之道比隆二帝矣臣又聞二帝  
耽玩經史數引公卿講學至於日是當時天下翕然嚮  
風今陛下游心典籍分解章句臣願研究經理深造而



篤行之二帝之治不難致矣臣又聞太宗射豕唐儉諫之玄宗臂鷹韓休言之二帝莫不樂從今陛下以毬馬為樂愚臣思之有不宜者三竊以君臣同戲不免相爭君得臣愧彼負此喜一不宜躍馬揮杖縱橫馳騫不顧上下之分爭先取勝失人臣禮二不宜輕萬乘之尊圖一時之樂萬一有銜勒之失其如社稷太后何三不宜倘陛下不以臣言為迂少賜省覽天下之福羣臣之願也書奏帝嘉歎良久未幾卒贈太子太保詔有司給葬

耶律和克字海蘭六院額爾奇木迪里之孫少穎悟重然諾保寧初補御璣郎君十年使宋還以宋取河東之意聞于帝燕王韓匡嗣曰何以知之和克曰諸僭號之國宋皆併收惟河東未下今宋講武習戰意必在漢匡嗣力沮之明年宋果伐漢帝以和克能料事器之授涿州刺史統和初皇太后稱制召赴京師與韓德讓以事相忤德讓怒取護衛所執戎仗擊其腦卒子穆爾古穆爾古字遙隱有智識善射統和初拜南面林牙四年

宋侵燕太后親征穆爾古為前鋒手中流矢拔而復進  
太后既至穆爾以創不能戰與北府宰相蕭繼先巡  
邏境上累遷北院大王七年伐宋為先鋒與耶律諾袞  
破其將李忠吉於定州按遼聖宗統和七年宋太宗端  
拱二年也宋史及通鑑不載此  
事遼紀統和六年宋定州守將李興以兵來拒耶律以  
休格擊敗之人名年次與本傳不符未知即此事否  
疾卒于軍

欽定續通志卷四百十八

欽定四庫全書

史部

欽定續通志卷四百

十九至  
二十二

編修臣謝振定覆勘

總校官原任侍講臣王燕緒

欽定四庫全書

欽定續通志卷四百十九

列傳

遼三

耶律休格

瑪格

耶律色珍

耶律學古

額布勒

耶律沙

蕭幹

托果

蕭達林

蕭觀音努

耶律托色

耶律轄哩

蕭柳

和碩烏

耶律幹拉

耶律世良

張儉

蕭朴

耶律巴格

耶律舒嚕

烏魯斯

王繼忠

陳扎袞

蕭和卓

武白

高正

太康乂

耶律休格字遜寧祖實嚕隋國王父烏蘇南院額爾奇

木休格少有公輔器初烏爾古室韋二部叛休格從北

府宰相蕭斡討之應歷末為特哩袞乾亨元年宋侵燕

北院大王希達等敗績南京被圍帝命休格代希達將

五院軍往救遇敵衆于高粱河續通鑑作大梁河與耶律色珍

分左右翼擊敗之追殺三十餘里斬首萬餘級休格被

三創明旦宋主遁去休格以創不能騎輕車追至涿州

不及而還九月原文作是年冬謹據景宗紀及宋史太宗紀改帝命韓匡嗣耶

律沙伐宋以報圍城之役休格率本部兵從戰于滿城  
翌日將復戰宋人請降匡嗣信之休格曰彼衆整而銳  
必不肯屈乃誘我耳宜嚴兵以待匡嗣不聽休格引兵  
憑高而視須臾南兵大至匡嗣敗績休格整兵進擊敵  
乃却詔總南面戍兵為北院大王明年車駕親征圍瓦  
橋關宋兵來救守將張師突圍出帝親督戰休格斬師  
餘衆退走入城宋陣于水南將戰帝以休格馬介獨黃  
慮為敵所識乃賜玄甲白馬易之休格率精騎渡水擊



敗之追至莫州橫屍滿道韋矢俱罄生獲數將以獻帝  
悅賜御馬金盃勞之師還拜裕悅聖宗即位太后稱制  
令休格總南面軍務以便宜從事休格均戍兵立更休  
法勸農桑修武備邊境大治統和四年宋復來侵其將

范密

聖宗紀及通鑑俱作潘美

楊繼業

按通鑑及宋史並作楊業致業在北漢時賜姓劉名繼業

史故仍其舊名出雲州

按聖宗紀及通鑑並作雁門蓋雁門本隸雲州故紀傳不嫌於異

曹彬

米信出雄易時北南院奚部兵未至休格力寡不敢出  
戰夜以輕騎出兩軍間殺其單弱晝則以精銳張其勢

又設伏林莽絕其糧道曹彬等退保白溝月餘復至休格以輕兵薄之伺彼蓐食擊其離伍單出者由是南軍自救不暇太后軍至彬等遁太后益以銳卒追及之乘勢圍之至夜彬信以數騎亡去餘衆悲潰追至易州東宋師尚有數萬瀕沙河而饜擊之宋師望塵奔竄墮岸相蹂死者過半沙河為之不流太后旋旆休格收宋屍為京觀封宋國王又上言可乘宋弱畧地至河為界書奏不納及太后南征休格為先鋒敗宋兵於望都時宋

將劉廷讓以數萬騎並海而出約與李敬源合兵聲言

取燕休格聞之先以兵扼其要地會太后軍至殺敬源

廷讓走瀛州執知雄州賀令圖遂陷邢深德三州

據通鑑增

七年宋復遣廷讓等乘暑潦攻易州休格率銳卒逆擊

于沙河之北殺傷數萬獲輜重不可計太后嘉其功詔

免拜不名自是宋不敢北向時宋人欲止兕啼乃曰裕

悅至矣

按通鑑端拱二年宋尹繼倫襲休格于徐河衆皆驚潰休格方食失箸短兵中其臂乘善馬而

適本傳諱言其敗故不載

休格以燕民疲弊省賦役恤孤寡戒戍兵

無犯宋境雖馬牛逸于北者悉還之遠近向化邊鄙以  
安十六年薨詔立祠南京休格智畧宏遠料敵如神每  
戰勝讓功諸將故士卒樂為之用身更百戰未嘗殺一無  
辜二子果巴官至節度使果實終裕悅孫瑪格

瑪格字額特埒興宗時以散職入見帝問卿奉佛乎對  
曰臣每旦誦太祖太宗及先臣遺訓未暇奉佛帝悅清  
寧中遷唐古部節度使咸雍中累遷匡義軍節度使太  
康初致仕卒

耶律色珍字韓隱裕悅赫魯之孫性明敏不事生產保  
寧元年樞密使蕭思溫薦色珍有經國才帝曰朕知之  
第佚蕩豈可羈屈對曰外雖佚蕩中未可量乃召問以  
時政占對剴切帝器重之妻以皇后之姪命節制西南  
面諸軍及援河東改南院大王乾亨初宋再攻河東從  
耶律沙至白馬嶺沙等戰不利色珍赴之令麾下萬矢  
齊發敵氣褫而退是年秋宋下河東乘勢襲燕耶律希  
達逆戰敗績退屯清河北色珍取希達等青幟軍于得

勝口以誘敵敵果爭赴色珍出其後奮擊敗之及高粱之戰與耶律休格分左右翼夾擊大敗宋軍統和初皇太后稱制益見委任為北院樞密使太后親帥師救燕以色珍為山西路兵馬都統色珍至定安遇賀令圖軍擊破之追至五臺斬首數萬級明日至蔚州敵不敢出乃書帛射城上諭以招慰意宋軍來救令都監耶律迪斯伏兵險阨城守者見救至突出色珍擊其背二軍俱潰追至飛狐斬首一萬餘級遂取蔚州賀令圖滿美復

以兵來色珍逆于飛狐又敗之宋軍在渾源應州者皆棄城走色珍聞楊繼業出兵令蕭達蘭伏兵于路明日繼業兵至色珍佯退伏兵發至狼牙村繼業被擒色珍歸闕以功加守太保從太后南伐卒于軍庶子果勒官至小將軍

耶律學古字伊實揚裕悅幹之庶孫穎悟好學工譯鞬及詩保寧中補御蓋郎君乾亨元年宋侵燕學古受詔往援始至京宋師圍城三周穴地而進城中民懷二心

學古以計安反側隨宜備禦晝夜不少懈適有敵三百  
餘人夜登城學古戰却之會援軍至圍遂解學古開門  
列陣四面鳴鼓居民大呼聲震天地旋有高梁之捷以  
功遥授保靜軍節度使為南京馬步軍都指揮使二年  
伐宋乞將漢軍從之改彰國軍節度使時南境未靜民  
思休息學古禁寇掠以安之宋將潘美來侵學古以軍  
少虛張旗幟雜丁黃為疑兵是夜適獨虎峪舉烽火遣  
人偵視見敵俘掠村野擊之悉獲所掠物擒其將領自



是學古與潘美各守邊約無相侵軼民獲安業以功為特哩衮卒弟額布勒

額布勒字留隱嚴重有膂力善屬文統和中伐宋屢任軍事嘗與楊珠不相能因曰爾奴才何所知楊珠訟于北院樞密使韓德讓德讓怒問曰爾安得此奴耶額布勒對曰三父異籍時亦易得德讓笑而釋之後從蕭恒德伐博囉蒲達部以功為東路統軍都監及德讓為大丞相薦其材可任統軍使太后曰額布勒嘗不遜於卿

何善而薦德讓奏曰臣忝相位於臣猶不屈況于其餘  
若任使之必能鎮撫諸蕃太后從之加金紫崇祿大夫  
檢校太尉而弟果囉以罪亡額布勒及其母俱下吏恐  
禍及母陰使人召果囉紿曰太后知事之誣汝第來勿  
畏果囉至送有司坐誅其後退歸田里以疾卒

耶律沙字安隱其先嘗相約尼氏應歷間累官南府宰  
相景宗即位總領南面邊事保寧間宋攻河東沙將兵  
救之有功加守太保乾亨初宋復北侵沙將兵由間道

至白馬嶺阻大澗遇敵沙與諸將欲待後軍至而戰冀  
王迪里監軍耶律穆濟等以為急擊之便沙不能奪迪  
里等以先鋒渡澗未半為宋人所襲兵潰迪里及其子  
幹格沙之子德里令公圖敏詳袞唐古等五將俱沒會  
耶律色珍兵至敵始退沙勒兵還宋乘銳侵燕沙與戰  
于高梁河稍却遇耶律休格及色珍等邀擊敗宋軍以  
功釋前過是年復從韓匡嗣伐宋敗績帝欲誅之皇后  
營救得免睿智皇后稱制賜几杖復從伐宋敗劉廷讓

李敬源之軍賜賚優渥統和六年卒

蕭幹小字轄哩字博迪北府宰相達魯之子性質直初察克之亂其黨和克齊與幹善使人召之幹曰吾豈能從逆臣縛其人送壽安王賊平拜羣牧都林牙復以伐烏爾古功遷北府宰相改圖魯卜部節度使乾亨初宋侵燕詔幹拒之戰于高梁河幹與耶律休格等併力敗之自是每征伐必參決軍事加政事令二年宋兵圍瓦橋夜襲營幹及耶律允古戰却之時皇后以父呼幹及

后為皇太后稱制幹數條奏便宜多見聽用統和四年卒姪托果

托果字括寧性忠簡應歷初始入侍會冀王迪里宣徽使哈斯謀反托果密以聞帝嘉其忠詔尚朴謹公主

按公

主表不載蓋皇族女也

保寧末為南京統軍使乾亨初宋侵燕托

果與北院大王希達拒之不克退屯清河帝聞其敗遣使責之托果懼會援兵至奮力以敗宋軍遂釋其罪降為南京侍衛親軍都指揮使四年卒

蕭達林字馳寧斯溫之再從姪父珠埒哩善相馬應歷間為馬羣侍中達林幼敦厚有才畧通天文保寧初為宿直官累任難劇統和四年宋楊繼業來侵達林以諸軍副部署從樞密使耶律色珍敗之擒繼業于朔州六年秋改南院都監從駕南征攻沙堆力戰被創太后親臨視明年加右監門衛上將軍檢校太師遥授彰德軍節度使十一年與東京留守蕭恒德伐高麗破之高麗稱臣奉貢十二年夏人梗邊皇太妃受命總烏爾古及

永興宮分軍討之達林為準布都詳袞凡軍中號令太妃並委之師還以功加兼侍郎封蘭陵郡王十五年迪里部人殺詳袞叛遁于西北荒達林將輕騎逐之因討準布之未服者諸蕃歲貢方物充于國自後往來若一家焉因賜詩嘉獎仍命林牙耶律昭作賦以述其功達林以諸部叛服不常上表乞建三城以絕邊患從之俄

召為南京統軍使復伐宋擒其將王先知

宋史及遼本紀俱作王繼

忠破其軍于遂城下祁州

按宋史是年達林率眾攻威虜順安軍諸路都部署擊敗

之攻北平砦及保州定州冀  
州皆為州兵所敗與本傳異  
手詔獎諭進至澶淵宋主軍於城中

未接戰達林出按地中伏弩卒子縑古南京統軍使

蕭觀音努字伊聶奚王達哈之孫統和十二年為右祇  
候郎君班詳袞遷奚六部大王先是俸秩外給獐鹿百  
數皆取於民觀音努奏罷之及伐宋與蕭達林為先鋒  
降祁州下德清軍乃加優賞同知南院事卒

耶律托色字勝隱北府宰相烏里之孫善射工畫保寧  
間為御蓋郎君九年奉使于漢深加禮重統和二年與



西邊詳袞耶律蘇色討圖勒錦大破之四年托色從北  
院樞密使耶律色珍敗賀令圖於定安授西南面招討  
都監宋兵守蔚州急召外援托色伏兵道旁俟援兵過  
未半而擊之城巾軍出色珍復邀之兩軍俱潰奔飛狐  
地隘不得進殺傷甚衆賀令圖復集敗卒來襲蔚州逆  
戰破之應州守將自遁進圍寰州冒矢石登城宋軍大  
潰色珍擒繼業于朔州托色功居多是年冬復與蕭達  
林由東路擊宋俘獲甚衆後聞宋兵屯易州率兵逆之

至易境而卒初托色破令圖宗將有因傷而仆托色繪其狀以示人咸嗟神妙

耶律轄哩字烏庫哩圖吉部人統和四年宗將楊繼業攻山西轄哩從耶律色珍擊之常居先鋒偵候有功是歲伐宋宋人拒於瀋沱河率精騎便道先濟獲其將康保威以功詔世預節度使選太平元年稍遷本部節度使六年從蕭惠攻甘州不克會準布攻圍三剋軍

按遼史國

語解三剋統軍官名猶云三帥也

與都監耶律尼嚕固往救至哈屯城

西南遇敵不能陣中流矢卒

蕭柳字圖們淳欽皇后弟阿古齊五世孫幼養于伯父  
巴雅爾多知能文膂力絕人統和中叔父恒德臨終薦  
其才詔入侍衛十七年南伐朮將范廷召列方陣而待  
時皇弟隆慶為先鋒問諸將佐誰敢當者柳曰若得駿  
馬則願為之先隆慶授以甲騎遂馳而前敵少却隆慶  
席勢攻之南軍遂亂中流矢裹創而戰衆皆披靡時巴  
雅爾留守東京奏柳為四軍兵馬都指揮使明年為北

女真詳袞政濟寬猛部民畏愛遷東路統軍使秩滿百姓願留許之從伐高麗師還致仕柳好滑稽雖君臣燕飲詼諧無所忌臨終謂人曰吾少有致君志不能直遂故以諧進冀萬有一補俳優名何避頃之被寢衣而坐呼曰吾去矣言訖而逝

和碩鼐字籌寧奚汗之裔保寧中為奚六部長統和初皇太后稱制以耶律休格領南邊事和碩鼐為南面行軍副部署四年宋曹彬米信等來侵與休格破宋兵于

燕南軍還怙權搃無罪人李浩至死帝以其功釋之冬  
南征將本部軍由別道進擊敵軍於狼山俘獲甚衆八  
年上表正奚王府官制從之三年秋遷都部署伐烏舍  
利其俘掠請降不許城中皆殊死戰和碩鼐知不能克  
乃掠地東南循高麗北界而還地遠糧絕士馬死傷詔  
降封爵卒子烏頁郎君班詳袞

耶律幹拉字斯寧奚德呼勒部人趨捷有力善騎射保  
寧初補護衛車駕獵頡山有豪猪伏叢莽帝射中猪突

出御者捨轡而避幹拉復射斃之及獵赤山奔鹿突前路隘不容避垂犯蹕幹拉以身當之鹿觸而顛帝謂曰朕因獵兩瀕于危賴卿以免始見爾心遷護衛太保從樞密使耶律色珍破宋將楊繼業軍于山西統和十三年為行軍都監從都部署奚王和碩鼐伐烏舍數月不能下蕭恒德欲深入大掠幹拉曰恐所得不償所損恒德不從畧地東南人馬多死詔奪諸將官幹拉以前議得免尋加同政事門下平章事為東京留守開泰中卒

耶律世良小字幹六院部人才敏給練達國朝典故及  
世譜北院樞密使韓德讓病帝問孰可代卿德讓曰世  
良可北院大王耶律舒魯復問北院之選德讓曰無出  
世良統和末為北院大王開泰初加檢校太尉同政事  
門下平章事時邊部拒命詔北院樞密使耶律華格將  
兵以世良為都監往禦之明年華格還將罷兵世良上  
書曰華格以為無事而還不思師老糧乏敵人已去烏  
能久守若益兵可克也帝命華格益兵與世良追之至

安真河大勝而還自是邊境以寧以功王岐拜北院樞  
密使三年命選馬駝于烏爾古部會德呼勒部人伊喇  
叛攻陷巨穆古城世良率兵壓境招降之各復故地四  
年代高麗為副都署都統劉慎行逗遛失期執還京師  
世良獨進兵明年至北都護府破追兵于郭州以暴疾  
卒

張儉宛平人性端慤不事外飾統和十四年舉進士第  
一調雲州幕官故事車駕經行長吏常有所獻聖宗獵



雲中節度使進曰臣境無他產惟幕僚張儉一代之寶  
願以為獻先是帝夢四人侍側賜食人二口至聞儉名  
始悟召見容止朴野訪及世務占奏三十餘事由此顧  
遇特異踐歷清華號稱明幹開泰中累遷同知樞密院  
事

按聖宗本紀儉以開泰二年為政事舍人七年守司徒兼政事令

太平五年出為武

定軍節度使移鎮大同六年入為南院樞密使帝方眷  
倚參知政事吳叔達與儉不相能帝怒出叔達為康州  
刺史拜儉左丞相封韓王帝不豫受遺詔輔立太子是

為興宗賜貞亮弘靖保義守節耆德功臣拜太師中書  
令加尚父從王陳重熙五年帝幸禮部貢院及親試進  
士皆儉發之進見不名賜詩褒美儉衣唯紬帛食不重  
味月俸有餘賜給親舊方冬奏事便殿帝見衣袍敝惡  
密令近侍以火夾穿孔記之屢見不易帝問其故儉對  
曰臣服此袍已三十年時尚奢靡故以此微諷喻之帝  
憐其清貧令悉取內府物儉奉詔持布三端而出益見  
獎重儉第五人帝欲俱賜進士第固辭有司獲盜八人

既戮之乃獲正賊家人訴冤儉三乞申理帝勃然曰卿  
欲朕償命耶儉曰八家老稚無告少加存恤使得收葬  
足慰存沒矣乃從之儉在相位二十餘年裨益為多致  
政歸第會宋書辭不如禮帝將親征幸儉第尚食先往  
具饌却之進葵羹乾飯帝食之美徐問以策儉極陳利

害且曰第遣一使問之何必遠勞車駕帝悅而止

按資治通

鑑長編云河北既罷兵雄州治城壘不輟遼主問張儉  
曰南朝尚修城備得毋違誓儉曰知雄州李允則其人  
長者不足疑與本傳  
所載相類謹附識焉復即其第賜宴器玩悉與之十二

年薨年九十一敕葬宛平縣

蕭朴字延寧國舅少父房之族父魯庫以善屬文為聖宗詩友朴幼如老成人及長博學多智開泰初補牌印郎君為南院承旨權知轉運事尋攻南面林牙帝問以政朴具陳百姓疾苦國用豐耗帝悅曰吾得人矣擢左伊勒希巴時蕭和卓為樞密使朴知部署院事以酒廢事出為興國軍節度使召為南面林牙太平三年守太子太傅明年拜北府宰相遷北院樞密使時太平日久

帝留心翰墨始畫譜牒以別嫡庶由是爭訟紛起朴有  
吏才知人主意敷奏稱旨朝議多取決封蘭陵郡王進  
王恒加中書令及大延琳叛詔安撫東京以便宜行事  
興宗即位皇太后稱制國事一委弟孝先仁德皇后被  
誣朴屢言其冤不報每念至此為之嘔血重熙初改王  
韓拜東京留守及遷太后于慶州朴從王楚升南院樞  
密使四年王魏薨年五十贈齊王子道拉國舅詳袞  
耶律巴格字烏庫哩五院部人幼聰慧書一覽輒成誦

統和中以世業為本部吏未幾陞扎薩克轄轉樞密院  
侍御史將曹彬米信侵燕巴格以扈從功擢上京留守  
開泰四年為北院樞密副使頃之留守東京七年東平  
王蕭巴雅爾伐高麗巴格為都監至開京大掠而還濟  
茶陀二河高麗追兵至諸將皆欲俟敵渡河擊之獨巴  
格不可曰敵若渡兩河必殊死戰乃危道也不若擊於  
兩河之間巴雅爾從之敗績明年還東京奏渤海承奉  
官宜有以統領之帝從其言置都知押班後以茶陀之

敗削使相降西北路都監

按聖宗本紀太平六年巴格復為東京留守

卒

耶律舒嚕字伊實揚六院部人魁岸美容儀聖宗同年

生帝愛之甫冠補祇候郎君未幾為宿直官及出師伐

宋為隊帥從南府宰相耶律諾袞統軍使蕭達林畧律

地趙魏有功加檢校太師為北院大王

按聖宗紀舒嚕自奚王府監軍

為南院大王蓋海歷南北院也

攻援通利軍宋和議成特進門下平章

事賜推誠竭節保義功臣以本部俸羊多闕部人空乏

請以羸老之羊及皮毛歲易南中絹彼此利之拜北院

樞密使封韓王自韓德讓知北院職多廢曠舒嚕拜命之日朝野相慶從駕獵松林至沙嶺卒年四十四贈守司徒政事令二子實紳努烏魯斯實紳努南院大王

烏魯斯字留隱少有大志未冠補祗候郎君開泰初為本部司徒秩滿間居徵為郎君班詳袞遷右皮室詳袞將本部兵從東平王蕭巴雅爾伐高麗至茶陀二河戰不利烏魯斯獨全軍還帝嘉賞終西南面招討使

王繼忠本宋之開封人以任仕宋為鄆州刺史殿前都



虞侯統和二十一年宋遣繼忠屯定之望都以輕騎覘軍遇南府宰相耶律諾袞等獲之太后知其賢授戶部使以康默記族女妻之繼忠亦自激昂事必盡力宋以繼忠先朝舊臣每遣使必有附賜聖宗許受之二十二年宋使來聘遺繼忠弧矢鞭策及求和劄子且曰如許

通和即當別使往請詔繼忠與宋使相見仍許講和

按王

曾筆錄云繼忠既陷契丹漸被親任乃說契丹與宋和時石普守莫州與繼忠善乃致書于普普奏其事宋弗之信繼忠書復至意甚切會契丹舉兵深入乃遣曹利用往契丹國母大喜即日議定其事是宋與契丹和議

自繼忠倡成賜宮戶三十加左武衛上將軍攝中京留之也謹附識

守檢校太師

據本紀增輯

開泰五年為漢人行宮都部署封

瑯琊郡王六年進楚王賜國姓帝嘗宴飲議以蕭和卓

為北院樞密使繼忠曰和卓雖有刀筆才闇於大體蕭

由里才行兼備可任不納竟用和卓及遣和卓伐高麗

繼忠為行軍副部署攻興化鎮月餘不下師還帝謂明

子知人拜樞密使太平三年致仕卒子懷玉

按宋史繼忠子有懷

節懷敏懷德懷政本傳止云懷玉蓋繼忠仕遼時所生而復仕於遼者歟

仕至防禦使

陳扎袞小字旺結雲州人工譯韃勇而善射統和中補祇候郎君為奚伊喇詳袞累遷敦睦宮太保兼掌園場事開泰五年秋大獵帝射虎以馬馳太速矢不及發虎奮怒將犯蹕左右辟易扎袞捨馬捉虎兩耳騎之虎駭且逸帝命衛士追射昭袞大呼止之虎雖軼山扎袞終不墮地伺便拔佩刀殺之輦至帝前慰勞良久即日設燕悉以席上金銀器賜之特加節鉞遷園場都太師賜國姓命張儉呂德懋賦以美之遷歸義軍節度使同知

上京留守歷西南面招討都監卒

蕭和卓字和掄圖魯卜部人始為本部吏統和初以謹恪補南院侍郎十八年韓德讓舉為中丞奉太后遺物使宗還遷北院樞密副使開泰三年為左伊勒希巴和卓久居近職明習典故善占對以是尤被寵渥陞北院樞密使時議以為無完行不可大用南院樞密使繼忠又譏其短帝頗不悅六年遣伐高麗為都統無功還時求進者多附之然其服食僕馬不加于舊帝知其廉以

族屬女妻其子詔許親友饋獻豪貴奔趨于門太平五年有疾帝欲臨視辭曰臣無狀猥蒙重任今形容毀瘁恐陛下見而動心帝從之會北府宰相蕭朴問疾和卓執其子曰吾死君必為樞密使慎勿舉勝己者朴出而鄙之子烏爾古終本部節度使

武白不知何郡人為宗國子博士差知相州至通利軍為遼軍所俘詔授上京國子博士改臨潢縣令遷廣德軍節度副使先是有訐宰相劉慎行陰事者有司出其

罪聖宗詔白鞠之白正其事使新羅還權中京留守時  
慎行諸子皆處權要以白斷百姓分籍事不直坐左遷  
尋遷尚書左丞知樞密事拜遼興軍節度使致仕卒

高正不知何郡人統和初舉進士第累遷樞密直學士  
帝將伐高麗遣正先往諭意及還遷右僕射高麗王詢  
表請入覲詔許之遣正率騎兵千人迓之館于路為高  
麗將卓思正所圍與麾下壯士突圍出士卒死傷者衆  
帝悔輕發釋其罪明年遷工部侍郎為北院樞密副使

開泰五年卒

太康又渤海人開泰間累官南府宰相出知黃龍府善綏撫東部懷服額爾德尼部長布延與伊勒必來附送于朝且言博羅滿達界多渤海人乞取之詔從其請康又領兵至大石河圖卜準城掠數百戶以歸未幾卒

欽定續通志卷四百十九



欽定四庫全書

欽定續通志卷四百二十

列傳

遼四

耶律隆運

德威制心

遼魯

耶律巴因濟

蕭塔喇噶

夏行美

蕭迪里

巴拉

蕭必塔

耶律揚珠

耶律鴻果

蕭華善

特默

蕭博諾

耶律古裕

耶律都沁

劉六符

耶律紐幹哩

杜防

耶律哈爾吉

楊哲

楊佶

耶律隆運本姓韓名德讓西南面招討使匡嗣之子也  
統和十九年賜名德昌二十二年賜姓耶律二十八年  
復賜名隆運重厚有智略明治體喜建功立事侍景宗

以謹飭聞加東頭承奉官補樞密院通事轉上京皇城

使

按速百官志原名上京城惶使

遙授彰德軍節度使代其父匡嗣為

上京留守權知京事甚有聲尋復代父守南京時人榮

之宋兵侵燕五院紂詳袞

景宗紀作北院大王

希達統軍蕭特庫

等敗歸宋兵圍城隆運日夜守禦援軍至圍解及戰高

梁河宋兵敗走隆運邀擊又破之以功拜遼興軍節度

使徵為南院樞密使景宗疾大漸與耶律色珍俱受顧

命立梁王為帝皇后為皇太后稱制隆運總宿衛事太

后益寵任之統和元年加開府儀同三司兼政事令

聖按

宗紀統和三年以隆運兼政事會元年隆運方丁父喪未加遷擢傳恐誤

四年宋遣曹彬米

信來侵從太后出師敗之加守司空

聖宗紀作司徒

封楚國公

師還與北府宰相室昉共執國政上言西州數被兵加

以歲饑宜輕稅賦以來流民從之六年太后觀擊鞠呼

魯蘓突隆運墜馬命立斬之詔率師伐宋圍沙堆敵夜

襲隆運嚴軍以待敗走之封楚王九年復言燕人挾姦

苟免賦役貴族因為囊橐可遣使戒諭從之十一年丁

母憂詔強起之明年室昉致政以隆運代為北府宰相

仍領樞密使監修國史賜興化功臣十二年六月

按聖宗紀

十二年七月室昉為中京留守加尚父上文所云明年室昉致政是也此五字疑誤奏三京諸勑

獄官吏多因請託曲加寬貸或妄行榜掠乞行禁止帝

可其奏又表請任賢去邪太后喜曰進賢輔政真大臣

之職優加賜賚服闋加守太保兼政事令會北院樞密

使耶律色珍薨詔隆運兼之久之拜大丞相進王齊總

二樞府事以南京平州歲不登奏免百姓農器錢及請

平諸郡商賈價並從之二十二年從太后南征許宋成

而還徙王晉授尚書令

據契丹志增

賜姓出宮籍隸橫帳季

父房後乃改賜今名位親王上入朝不拜上殿不趨

據契丹志

增

賜田宅及陪葬地從伐高麗還薨年七十一贈尚書

令謚文忠建廟乾陵側無子清寧三年以魏王塔卜子

頁魯為嗣天祚立以皇子額魯溫繼之弟德威姪制心

德威性剛介善馳射保寧初歷上京皇城使儒州防禦

使改北院宣徽使統和初丁父喪

按本紀聖宗即位之年韓匡嗣薨原文作

乾亨初誤疆起復職權西南招討使党項寇邊一戰却之賜

劍許便宜行事領圖魯卜德呼勒二紮軍以討平霜庫

赫功真授招討使夏州李繼遷內附德威請納之諸部

皆從璽書褒獎與特哩袞耶律善補敗宋將楊繼業加

開府儀同三司政事門下平章事尋以山西城邑多陷

奪兵柄李繼遷受宋賂潛懷二心奉詔率兵往諭繼遷

託以西征不出德威至靈州俘掠而還十五年河西党

項叛復詔討之奏捷于朝

據聖宗紀增

未幾卒年五十五贈

兼侍中子帕克戩終彰國軍節度使早卒孫色寶達魯  
色寶終特哩袞達魯字遵寧幼養宮中授小將軍重熙  
初歷北院宣徽使右林牙副點檢拜特哩袞改西北路  
招討使封漆水郡王請減軍籍三千二百八十人後以  
私取回鶻使者獺毛裘及私取準布貢物事覺決大杖  
削爵免官俄起為北院宣徽使十九年改烏爾固迪里  
部都詳袞尋為東北路詳袞封混同郡王清寧初徙王  
鄧擢拜南府宰相以年老乞骸骨更王漢太康中薨年



八十達魯神情秀徹聖宗子視之興宗待以兄禮雖貴  
愈謙初為都點檢扈從獵黑嶺獲熊帝因樂飲謂達魯  
曰汝有求乎對曰臣富貴踰分不敢他望惟臣叔先朝  
優遇身歿之後不肖子坐罪籍沒諸孫中得赦一人以  
主祭臣願畢矣詔免籍復其產子燕五官至南京步軍  
都指揮使

制心小字汗努父德崇善醫視人形色輒決其病累官  
至武定軍節度使制心善訓鷹隼統和中為歸化州刺

史開泰中拜上京留守進漢人行宮都部署封漆水郡王以皇后外弟恩遇日隆樞密副使蕭和卓用事制心奏和卓寡識度無行檢帝默然每內宴歡洽輒避之皇后不悅曰汝不樂耶制心對曰寵貴鮮能長保以是為憂耳太平中歷中京留守特哩袞南京留守徙王燕遷南院大王

按聖宗紀俱作韓愬蓋合兩字為一字也

或勸制心奉佛對曰吾

不知佛法惟心無私則近之矣一日沐浴更衣而臥家人聞絲竹聲怪而入視則已逝矣年五十三贈政事令

追封陳王守上京時酒禁方嚴有捕獲私醞者一飲而  
盡笑而不詰卒之日部民若哀父母

耶律巴固濟字保諾延六院額爾奇木博果濟之後勇  
悍善治生保寧中為天德軍節度使歷南京侍衛馬步  
軍都指揮使以討平党項羗阿里沙密丕勒布密遷南  
院大王聖宗即位太后稱制會羣臣議軍國事巴固濟  
上疏陳便宜數事稱旨兼領山西路諸州事統和四年  
宋將曹彬等侵燕巴固濟擊之甚力賜輸忠保節致主

功臣總知山西五州會有告已固濟曲法虐民者按之  
有狀以大杖決之八年為南京統軍使卒子雅里官至  
詳衮

蕭塔喇噶字雄隱五院部人八世祖珠嚕約尼氏時嘗  
為虞人唐安祿山來攻珠嚕戰于黑山之陽敗之以功  
為北府宰相世預其選塔喇噶仕開泰間累遷西南面  
招討使重熙十一年使西夏諭伐宋事約元昊出別道  
以會十二年改右伊勒希巴同知南京留守轉左伊勒

希巴俄授東京留守以世選為北府宰相二十一年復

為南京統軍使

依弘簡錄增

卒

夏行美渤海人太平元年大延琳叛時行美總渤海軍

于保州延琳使人說與俱叛行美執送統軍使耶律布

庫又誘賊黨百人

按聖宗紀作八百餘人

殺之延琳謀沮迺嬰城

自守數月而破以功加同政事門下平章事錫賚甚厚

明年擢忠順軍節度使重熙十七年遷副部署從點檢

耶律義先討富珠哩獲其酋托多羅以歸致仕卒

蕭迪里字尼魯袞宰相塔喇四世孫識度弘遠為鄉里  
推重始為牛羣敬史帝聞其賢召入侍還國舅詳袞統  
和二十八年將伐高麗迪里諫曰國家連年征討士卒  
抗蔽况陛下在諒陰年穀不登創痍未復島夷小國城  
壘完固勝不為武萬一失利恐貽後悔不如遣一介之  
使往問其故伏罪則已不然俟服除歲豐舉兵未晚時  
今已下言雖不行識者韙之明年同知左伊勒希巴事  
改右伊勒希巴開泰初率兵巡西邊時額爾奇木部下

札薩克轄布喇奇實卜克率部民遁迪里追擒之令復  
業遷國舅詳袞從樞密使耶律世良伐高麗還加同政  
事門下平章事拜上京留守迪里為人寬厚達政體廷  
臣皆謂有王佐才王繼忠薦其材可為樞密使帝疑其  
黨而止為中京留守卒族子和克有傳弟巴拉

巴拉字布哩音多智善騎射開泰間以兄為右伊勒希  
巴始補郎君累遷奚六部圖嚕太尉太平末大延琳叛  
巴拉將北南院兵往討遇于蒲水南院兵少却至手山

復與賊遇巴拉乃易兩院旗幟力戰破之手詔褒獎賜  
內廐馬重熙中遷四捷軍詳袞謝事歸鄉里數歲起為  
昭德軍節度使尋改國舅詳袞卒

蕭必塔字蘇隱一名昌裔駙馬都尉恒德之子生未彌  
月父母俱死育于禁掖既長尚秦晉王公主拜駙馬都  
尉為殿前副點檢統和八年改北面林牙太平四年遷  
殿前都點檢出為國舅詳袞九年大延琳叛劫掠隣部  
必塔先率本管及家兵據要害絕其西渡之計

據聖宗  
紀增輯



詔與南京留守蕭孝穆往討築重城圍之遂擒延琳東  
京平以功封蘭陵郡王十一年聖宗不豫先是欽哀與  
仁德皇后有隙以必塔當為后所愛忌之護衛豐嘉努  
上變誣珠卜與必塔謀逆公主竊聞其誣謂必塔曰爾  
將無罪被戮與其死何若奔女直國以全其生必塔曰  
朝廷詎肯以飛語害忠良寧死弗適他國及欽哀攝政  
殺之

耶律揚珠字布爾錦積慶宮人父海古勒室韋部節度

使揚珠駕學廉介有經世志統和十年累遷至積慶宮使聖宗嘗諭揚珠曰聞卿正直是以進用國有利害爾言宜無所隱由是所陳多見嘉納駕征高麗破康肇軍于銅州揚珠之力為多王詢乞降羣臣皆謂宜納揚珠曰王詢始戰而敗遽求納款此詐耳納之恐墮其姦計待勢窮力屈納之未晚已而詢果遁清野無所獲其衆阻險而壘攻之不下揚珠以計降之擢拜四蕃部詳衮時招討使耶律佛德為總管揚珠耻居其下上表曰臣

先朝舊臣今既垂老乞還新命覲得常侍左右帝曰朕不使汝久處是任且命無隸招討得專奏事到部戰暴懷善政績顯著卒于官

耶律鴻果

按此與前卷鴻果非一人

字巴爾諾延約尼森濟汗之後

統和初嘗以軍事任為伊喇詳袞尋徙南京統軍使十三年徇地南鄙克敵於四岳橋斬首百餘級攻宋以戰功遷東京留守封楚國公後代高麗副先鋒耶律博諾擒康肇于銅州三十年西北部叛從南府宰相耶律諾

哀討之及典禁軍號令整肅諸部多降尋遷侍中卒

蕭華善字洪寧國舅大父房之後忠直多志畧開泰初補御臺郎君尋為內史太醫等局都林牙使宋賀正將宴典儀者告班節度使下華善曰班次如此是不以大國之使相禮且以錦服為貺如待蕃部果如是吾不預宴宋臣不能對易以紫服位視執政使禮始定八年秋為唐古部節度使卒弟特默

特默字何寧為人機辨任氣太平中累遷安東軍節度

使有能稱十一年召為左祗候郎君班詳袞未幾遷左

伊勒希巴重熙十年

興宗紀作十一年

累遷北院宣徽使與劉

六符使宋歸稱旨加同政事門下平章事詔城西南渾底甸還復為北院宣徽使卒

蕭博諾字留隱奚王楚卜寧之後幼孤貧傭于醫家牧牛傷人稼數遭笞辱其傭主見博諾熟寐有異兆遂收養之教以讀書聰敏嗜學不數年涉獵經史習騎射既冠意氣豪邁開泰間選充護衛稍進用俄坐罪黜流烏

爾固部久之召還累任劇遷奚六部大王治有聲太平  
九年大延琳叛博諾為都監將右翼軍戰蒲水中軍却  
博諾與左翼夾攻之擄高麗女直要衝使不得求援又  
敗賊于手山延琳走入城博諾不介馬而馳追殺餘賊  
大軍圍東京博諾討諸叛邑平吼山賊延琳既被擒以  
功加兼侍中重熙六年改北準布副部署再授奚六部  
大王十八年

史傳作十五年今據  
興宗紀及西夏傳改

為西南面招討使西

征夏國博諾以兵二千據河橋聚巨艦數十艘仍作大

鈎人莫測戰之日布舟于河綿亘三十餘里大軍既失利適大水奔流而下勢將壞浮梁斷歸路操舟者爭鈎致之橋得不壞明年復西征懸兵深入大掠而還復為奚六部大王致仕卒

耶律古裕字穆爾沁北院林牙圖魯卜四世孫有膂力工馳射開泰間為烏爾固迪里部都監會部人叛從樞密使耶律世良討平之以功授千牛衛上將軍

依弘簡  
錄增

鎮撫西北部教以種樹畜牧不數年民多富實中京盜

起命古裕為巡邏使悉擒之從征渤海有功累遷御史  
中丞尋授開遠軍節度使徙鎮歸德重熙二十一年改  
天成軍節度使卒於官年七十贈同中書門下平章事  
二子伊蘇鄂摩伊蘇重熙間從蕭惠討西夏惠敗績伊  
蘇一軍獨全拜北院大王鄂摩太康三年為漢人行宮  
副部署伊蘇誣害太子詞連鄂摩帝釋之是秋伊蘇復  
奏其與蕭楊結私議宮壺事被害乾統間贈同中書門  
下平章事



耶律都沁字達年積慶宮人仕統和間性疎簡不顧小節人初以是短之後侵宋分總羸師以從及戰取緋帛被介冑以自標顯馳突出入敵陣格殺甚衆太后望見喜厚賞之由是多以軍事屬任俄授東北詳衮開泰二年討準布克之重熙間歷東路統軍使天德軍節度使十七年城西邊命都沁相地及造戰艦因成樓船百三十艘上置兵下立馬規制堅壯稱旨及西征都沁由別道會於河濱敵兵阻河而陣帝御戰艦絕河擊之大捷親

賜色酒仍問所欲都沁對曰臣幸被聖恩得効駘驚萬死不能報國又將何求帝愈重之手書都沁衣裾曰勤國忠君舉世無雙卒於官年七十子迪里歷觀察節度使

劉六符父慎行聖宗朝由膳部員外郎累遷至北府宰相監脩國史時帝多即宴飲行誅賞慎行諫曰以喜怒加威福恐未當帝悟諭政府自今宴飲有刑賞事翌日稟行為都統伐高麗以失軍期下吏議貴乃免出為彰武

軍節度使賜保節功臣歷順義遼興節度使

據聖宗紀增輯

子

六人一德二玄三嘏四端五常六符德早世玄終上京

留守常歷三司使武定軍節度使嘏端符皆第進士嘏

端俱尚主為駙馬都尉三嘏獻聖宗一矢斃雙鹿賦帝

嘉其瞻麗與公主不諧奔宋歸殺之四端以衛尉少卿

使宋賀生辰方宴大張女樂竟席不顧人憚其嚴還拜

樞密直學士權知宣徽南院事

據聖宗紀增

六符有志操能

文重熙初遷政事舍人擢翰林學士七年參知政事

據興

宗紀 十一年與宣徽使蕭特默使宋索十縣地還為漢

人行宮副部署會宋遣使增歲幣以易十縣復與耶律  
仁先使宋還如同中書門下平章事及宋幣至命六符  
為三司使以受之六符與參知政事杜防有隙防白六  
符嘗受宋賂出為長寧軍節度使俄召為三司使道宗  
即位將行大冊禮北院樞密使蕭格曰行大禮備儀物  
必擇廣地莫若黃川六符曰不然禮儀國之大體帝王  
之樂不奏於野今中京四方之極朝覲各得其所宜中

京行之乃從其議尋以疾卒

按契丹志六符還至中書令子孫為節度觀察使六

十餘人

耶律鈕幹哩字海蘭六院額爾奇木博果濟之後風神

與秀工於畫重熙間累遷同知點檢司事駙馬都尉蕭

呼敦為夏人所執奉詔索之三返以歸轉永興宮使右

祇候郎君班詳袞鈕幹哩將娶秦晉長公主孫其母與

公主婢有隙謂紐幹哩曰能去婢乃許爾婚紐幹哩以

計殺之婚成事覺有司以大辟論寯聖宗真以獻得減

坐長流邊戍復以寫真召拜同知南院宣徽事使宋賀  
正寓宋主客以歸清寧間復使宋宋主賜宴瓶花隔面  
未得其真陞辭僅一視及境以像示餞者駭其神妙聞  
重元亂不即勤王賊平入賀帝責讓之咸雍中加太子  
太師卒

杜防涿州歸義縣人開泰五年擢進士甲科累遷起居  
郎知制誥人以為有宰相器太平中遷政事舍人拜樞  
密副使重熙九年夏人侵宋宋遣郭禎來告請與夏和

謹按宋史仁宗紀康定元年遣使以討元昊告契丹遼  
史興宗及西夏紀亦云宋遣郭禎以代夏來報無請和  
之說與本傳異 命防使夏解之如約罷兵各歸侵地拜參知政

事韓紹芳劉六符忌之防待以誠十二年紹芳等罷愈

見信任十三年

按史傳作十二年據興宗紀改

拜南府宰相防生子帝

幸其第賜名王門奴以進奏有誤出為武定軍節度使

十七年

按興宗紀重熙十六年出防為武定軍節度使十七年召復任史傳作十四年誤謹改正復

召為南府宰相二十一年秋祭仁德皇后詔儒臣賦詩

防為冠賜金帶道宗諒陰為大行皇帝山陵使清寧二

年諭防曰朕以卿年老嗜酒不欲煩以劇務朝廷之事  
總綱而已頃之拜右丞相加尚父卒贈中書令謚曰元  
肅子公謂終南府宰相

耶律哈爾吉字特們六院額爾奇木博果濟之後重熙  
中累遷西南面招討都監充宋國生辰使館於白溝驛  
宋宴勞優者朝蕭惠河西之敗哈爾吉曰勝負兵家常  
事我嗣聖皇帝俘石重貴至今興中有石家塞惠之一  
敗何足較哉宋人慚服帝聞之曰優伶失辭何可傷兩



國交好鞭二百免官清寧初起為懷化軍節度使七年

入為北院大王

按道宗紀咸雍七年哈爾吉自東北路詳袞入為南院大王與本傳異

封

幽國公歷遼興軍節度使東北路詳袞加兼侍中致仕卒哈爾吉明達勤恪懷柔有道置諸賓館及西邊營田皆自哈爾吉發之

楊哲字昌時安次人幼通五經大義聖宗聞其穎悟詔試詩授秘書省校書郎太平十一年擢進士乙科為著作佐郎重熙十二年累遷樞密副使歷長寧軍節度使

山西路轉運使知興中府清寧初入知南院樞密使與姚景行同總朝政請行柴冊禮封趙國公以足疾復知興中府咸雍初徙封齊召賜同德功臣尚書左僕射兼中書令拜樞密使改封晉給宰相樞密使兩廳僉從封趙王屢請歸政益賜保節功臣致仕太康五年例改遼西郡王薨

楊佖字正叔南京人幼穎悟異常讀書自能成句識者奇之弱冠聲名籍甚統和二十四年舉進士第一歷校

書郎大理正開泰六年轉儀曹郎典掌書命加諫議大夫出知易州治尚清簡徵發期會必信入為大理少卿累遷翰林學士文章號得體八年燕地饑疫民多流殍以佶同知南京留守事發倉廩振乏絕貧民鬻子者計傭而出之宋遣梅詢賀千齡節詔佶迎送多唱酬詢每見稱賞復為翰林學士重熙元年陞翰林學士承旨丁母憂起復工部尚書歷忠順軍節度使朔武等州觀察處置使天德軍節度使加特進檢校太師同中書門下

平章事復拜參知政事兼知南院樞密使十五年出為  
武定軍節度使境內亢旱苗稼將槁視事之夕雨澤霑  
足百姓歌曰何以蘇我上天降雨誰其撫我楊公為主  
灤陽水失故道歲為民害乃以已俸創長橋人不病涉  
及被召郡民攀轅泣送帝禦清涼殿宴勞之即日除吏  
部尚書按興宗紀重熙十一年信自宣政殿學士為吏部尚書與本傳異兼門下侍郎  
同中書門下平章事諭曰卿今日何減呂望之遇文王  
信對曰呂望比臣遭際有十年之晚帝悅其居相位以

進賢為已任事總大綱責成百司人樂為之用三請致  
政許之月給錢粟儻隸四時遣使存問

欽定續通志卷四百二十

欽定四庫全書

欽定續通志卷四百二十一

列傳

遼五

耶律仁先

托卜嘉

耶律義先

信先

耶律罕巴

蕭珠展

藥師努

耶律玘

耶律布勒圖

蕭布達

耶律浩善

耶律圖丹

蕭烏頁

蕭迪里

蕭頁嚕

蕭托輝

蕭罕札

蕭阿嚕岱

耶律納延

耶律辰嘉努

蕭蘇色  
穆喇幹

耶律大悲努

蕭罕嘉努

蕭德

蕭惟信

蕭約音努

耶律迪里



姚景行

耶律仁先字扎林小字扎拉孟父房之後父貴音南府  
宰相封燕王仁先魁偉爽秀有智畧重熙三年補護衛  
帝與論政才之仁先以不世遇言無所隱授宿直將軍  
累遷殿前副點檢改和拉唐古部節度使俄召為北面  
林牙十一年陞北院樞密副使時宋請增歲幣銀絹以  
償十縣地產仁先宋史誤作耶律仁起與劉六符使宋既還同知  
南京興宗紀作東京留守事十三年伐夏留仁先鎮邊未幾召

為契丹行宮都部署奏復王子班郎君及諸宮雜役十

六年遷北院大王

按興宗紀十五年自都部署為南院大王十九年自南院大王知北院樞

密使

奏今兩院戶口殷庶乞免他部助役從之十八年

再舉伐夏仁先與皇太弟重元為前鋒蕭惠失利於河  
南帝猶欲進兵仁先力諫乃止後知北院樞密使遷東  
京留守女直恃險侵掠不止仁先乞開山通道以控制  
之邊民安業封吳王清寧初為南院樞密使以耶律華  
格譖出為南京兵馬副元帥守太尉更王隋六年復為

北院大王民歡迎數百里如見父兄時北南院樞密官  
尼嚕古蕭呼都克等忌之請以仁先為西北路招討使耶  
律伊蘇奏曰仁先舊臣德冠一時不宜補外復拜南院  
樞密使更王許七月帝獵太子山重元謀逆帝趣仁先  
捕之仁先出且曰陛下宜謹為之備未及介馬重元犯  
帷宮帝欲幸北南院仁先曰陛下若舍扈從而行賊必  
躡其後且南北大王心未可知仁先子托卜嘉曰聖意  
豈可違乎仁先怒擊其首帝悟悉委仁先以討賊事乃

環車為營，折行馬作兵，伏率官屬近侍三十餘騎交戰。賊衆多降，尼嚕古中矢被擒，重元被傷而退。仁先以五院部蕭塔喇所居最近，亟召之分遣人集諸軍，黎明塔喇兵至，仁先乃背營而陣，乘便奮擊，賊潰。重元與數騎遁去。帝執仁先手曰：「平亂皆卿之功也。」加尚父，進封宋王。為北院樞密使，詔畫灤河戰圖以旌其功。咸雍元年，加裕悅改封遼王，與耶律伊蘇共知北院樞密事。伊蘇恃寵不法，仁先抑之。由是見忌，出為南京留守，改王晉。

恤孤惇禁姦慝宋聞風震服準布達爾罕叛命仁先為西北路招討使錫鷹紐印及劍許便宜從事仁先嚴斥喉扼敵衝懷柔服從庶事整飭達爾罕復來寇仁先逆擊追殺八十餘里大軍繼至又敗之別部巴爾斯土默特等來救見其屢挫不敢戰而降北邊遂安八年卒年六十遺命家人薄塋弟義先信先俱有傳子托卜嘉托卜嘉字和爾沁清寧二年補祇候郎君累遷永興宮使以平重元之亂遥授忠正軍節度使賜定亂功臣同

知殿前點檢司事歷高陽臨海二軍節度使左皮室詳  
袞太康六年授西北路招討使率諸部酋長入朝加兼  
侍中自蕭達魯為招討朝廷務姑息多擇柔愿者用之  
諸部漸跋扈托卜嘉含容尤甚邊防益廢尋改西南面  
招討使準布酋長默古斯來侵西北路招討使和囉木  
薩噶戰不利詔托卜嘉代之默古斯之為酋長也托卜  
嘉有力焉至是遣人誘致之默古斯始降托卜嘉逆於  
鎮州西南沙磧間禁士卒無得妄動敵至裨將耶律烏

蘇徐烈見其勢銳不及戰而走遂被害年五十八贈侍中諡曰貞憫

耶律義先裕悅仁先之弟也美丰姿舉止嚴重重熙初補祇候郎君班詳袞十三年車駕西征為十二行紂都監戰功最改南院宣徽使時蕭格同知樞密院事席寵擅權義先疾之因侍讌言於帝曰格狡佞喜亂一朝大用必悞國家言甚激切不納他日侍宴帝命羣臣博負者罰一巨觥義先當與格對憮然曰臣縱不能進賢退

不肖安能與國賊博哉帝止之曰卿醉矣義先厲聲諾  
不已帝大怒欲加之罪賴皇后救得解翌日帝謂格曰  
義先無禮當黜之格借以自飾故對曰義先天性忠直  
今以酒失而出誰敢言人之過帝轉謂格忠直益加信  
任義先鬱鬱不自得然敢憤之氣未嘗少沮十六年為  
殿前都點檢討富珠哩多所招降獲其酋長托多羅以  
歸以功改南京統軍使封武昌郡王奏請統軍司錢營  
息以贍貧民未期軍器完整民得休息二十一年拜特



哩袞進王富春薨年四十二義先常戒其族人曰國中  
三父房皆帝之昆弟不孝不義尤不可為其接下無貴  
賤賢否皆與均禮其妻晉國長公主之女也每遇中表  
親非禮服不見故內外多化之清寧間追贈許王弟信  
先

信先興宗以其父貴音為刺血友幼養於宮善騎射重  
熙十四年為左護衛太保同知殿前點檢司事十八年  
兼右祇候郎君班詳袞帝問所欲信先曰先臣貴音與

陛下分如同氣然不及王封儻使蒙恩地下臣願畢矣  
帝曰此朕遺忘之過追封燕王是年從蕭惠伐夏敗於  
河南被責清寧初為南面林牙卒

耶律罕巴字嘲隱個儻有大志北院詳袞古之五世孫  
太平中游京師寓行宮側惟囊衣匹馬而已帝微服出  
獵見而問之曰汝為何人罕巴初不識漫應曰我北院  
部人罕巴來覓官耳帝與語知有長才陰識之會北院  
奏南京疑獄久不決帝詔罕巴馳驛審錄舉朝皆驚罕

巴量情處理人無冤者帝嘉之籍羣牧馬闕其二同事者多惟擾罕巴畧不加詰即先馳奏帝益信任景福元年為左伊勒希巴徙北面林牙眷遇優異重熙六年改

北院大王政務寬仁復為左伊勒希巴十二年再為北

院

興宗紀  
作南院

大王入朝帝從容謂曰卿守邊任重當實府

庫振貧乏以報朕既受詔愈竭忠謹知無不言便益為多卒年五十五死之日篋無舊蓄櫛無新衣罕巴平居不屑細務喜愠不形嘗失所乘馬家僮以同色者代之

數月不覺

蕭珠展字錫倫孝穆弟果濟之子以戚屬加監門衛上將軍重熙十三年將衛兵討李元昊有功遷興聖宮使富珠哩部長托多羅叛珠展為統軍都監從都統耶律義先擊之擒托多羅珠展與義先不協誣義先罪免官稍遷西南面招討都監坐事下獄以太后言杖而釋之清寧初為國舅詳袞西北路招討使私取官粟三百斛及代留畜產令主者鬻之以償後族弟呼都克到部發其

事帝怒決以大杖免官尋起為昭德軍節度使徵為北  
院宣徽使九年復為西北路招討使訓士卒增罷械省  
追呼嚴號令人不敢犯邊境晏然十年入朝封柳城郡  
王咸雍二年拜北府宰相為北院樞密使耶律伊蘇所  
忌誣珠展與護衛蕭和克等謀害伊蘇詔獄無狀罷相  
出鎮順義軍

道宗紀作武定軍節度使

卒追王晉宋梁三國姪藥師

努

藥師努幼穎悟謹禮法補祇候郎君太康中為興聖宮

使累遷同知殿前點檢司事遷右伊勒希巴夏王李乾  
順為宋所攻求解帝命藥師努持節使宋請罷兵通好  
宋從之拜南面林牙改漢人行宮副部署乾統初出為  
安宋軍

按遼地理及百官志無安宋軍名豈以藥師努平宋及夏而特設此名以寵之歟

節度

使卒

耶律玠字烏展約尼森濟汗之後重熙初召修國史補  
符寶郎累遷知北院副部署事入見太后后顧左右曰  
先皇謂玠必為偉人果然除樞密副使出為西南面招

討都監歷同簽南京留守事南面林牙皇弟秦國王為  
遼興軍節度使以玦同知使事多所匡正十年復為樞  
密副使咸雍初兼北院副部署及秦國王為西京留守  
請玦為佐從之歲中獄空者三召為孟父房詳袞玦不  
喜貨殖帝知其貧賜宮戶十嘗謂宰相曰契丹忠正無  
如玦者漢人則劉仲而已然熟察之玦優於仲先是西  
北諸部久不能平帝遣玦問狀執弛慢者痛繩之以酒  
疾卒

耶律布勒圖字燕隱六院林牙圖魯卜四世孫開泰間

為本班郎君有捕盜功樞密使蕭朴薦之遷率府率

按遼

百官志東宮官名隸太子率府

太平中同知南院宣徽事累遷彰聖軍

節度使重熙

據西夏傳增

十六年知興中府以獄空聞十八

年代夏攝西南面招討使十九年夏人侵金肅軍敗之

斬首萬餘級加右武衛上將軍時近邊羣牧數被寇掠

遷倒塌嶺都監以治之桴鼓不鳴二十年知金肅軍事

宰相趙惟節總領邊城橋道島粟請貳帝命布勒圖副



之以稱職聞清寧初歷長寧匡義二軍節度使致仕咸  
雍間卒子阿固齊終倒塌嶺都監

蕭布達字彈隱統和初為南院承旨開泰六年出為烏  
爾固部節度使七年迪里部叛討平之徙烏爾固德呼勒  
部都監取北準布名馬以獻賜詔褒獎太平十年為伊  
實部大王

據本紀  
增輯

重熙初改烏爾固德呼勒部都詳袞討

諸蕃有功布達深練邊事能以悅使人有所俘獲悉散  
麾下由是大得衆心歷西南面招討使党項叛入西夏

布達討之中流矢歿於陣

耶律浩善字托紐北院額爾奇木博果濟之後祖徹珍

北院大王父和克黃皮室詳袞浩善初為西南巡邊官

以廉潔稱尋為北院大王遷南京統軍使

按興宗紀浩善先為北院

大王後除統軍使原文悞謹改正

重熙十一年党項部叛浩善受詔巡

西邊沿河要地多建城堡以鎮之徙東京留守十三年

與知府蕭烏魯斯討博囉滿達部有功加兼侍中致仕

卒

耶律圖丹字和爾沁太師古裕之子重熙初為左護衛  
將禁兵從伐夏有功授十二行紂司徒再舉伐夏圖丹  
括山西諸郡馬還遷伊喇詳袞西南未平命圖丹同知  
金肅軍事夏人來侵擊敗之進納喇阿爾威部節度使  
清寧元年名為皇太后左護衛太保四年改寧遠軍節  
度使東路饑奏賑之歷五國烏爾固部遼興軍三鎮節  
度使四捷軍詳袞太康元年卒追贈同中書門下平章  
事子阿蘇有傳

蕭烏頁字草隱其先出興聖宮分觀察使塔哩濟之孫  
性孝悌尚禮法雅為鄉黨所稱重熙中補護衛興宗見  
其勤恪遷護衛太保佐耶律仁先平重元亂以功加團  
練使時德呼勒部數為鄰部侵擾民多困弊命烏頁為德  
呼勒部節度使恤困窮省徭役不數月部人以安尋以母  
老歸養於家母亡尤極哀毀服闋歷官興聖延慶二宮  
使卒

蕭迪里字國寧約尼森濟汗宮人重熙初遙攝鎮國軍

節度使六年奉詔使宋傷足而跛不告遂行帝怒及還  
決以大杖降同簽南京留守事遙授靜江軍節度使歷  
羣牧都林牙遷右伊勒希巴以才幹見任會車駕西征  
元昊乞降遣迪里徃覘誠否因為元昊陳述禍福聽命  
乃還拜北院樞密副使出為中京留守十九年改西京  
留守卒

蕭頁嚕字和爾沁五院部人父揚珠歷官節度使頁嚕  
重熙間為牌印郎君清寧九年揚珠既平重元之亂其

黨果玖等亡頁嚕追捕獲之遷護衛太保咸雍元年使  
宋議邊事稱旨知殿前副點檢事五年準布叛為行軍  
都監擊敗之俘獲甚衆初軍出止給五月糧過期糧乏  
士卒往往叛歸頁嚕坐失計免官降戍西北部未行會  
北部兵起頁嚕將烏爾固德呼勒兵擊敗之每戰以身先  
釋前罪命總知烏爾固德呼勒部九年德呼勒叛往來掠邊  
境頁嚕屢出兵敗走之時德呼勒方為邊患準布亦相繼  
寇掠邊人疲弊朝廷以地遠不能時益援兵而卒使疆

圍帖然者皆頁嚕力也帝嘉其功拜左皮室詳袞會宗

求天池之地詔頁嚕兼統兩皮室軍屯達里庫山以備

之太康中準布叛

按道宗紀及屬國表準布在太康年間歲修職貢未嘗以叛聞耶律納延

傳載卓克筭事云西北諸路擾邊與部族表符合本傳準布字恐誤遷西北招討都監從

都統耶律卓克筭征討有功改南京統軍都監黃皮室

詳袞遷東北路統軍都監卒弟都勒幹具獨行傳

蕭托輝字烏庫哩宰相轄達六世孫剛直有威重咸雍

初任馬羣太保素知羣牧名存實亡悉閱舊籍除其羸

病錄其實數上書曰羣牧以少為多以無為有上下相

蒙積弊成風不若括見真數著為定籍公私兩濟從之

畜產歲以蕃息太安中

按道宗紀托輝以太安七年為契丹行宮都部署下文所云九

年西園不寧亦正與本紀相合原文誤作太康謹改正

累遷契丹行宮都部署帝

嘗謂羣臣曰北樞密院軍國重任久闕其人耶律阿蘇

蕭額特埒二人孰愈羣臣各譽所長托輝獨默然帝問

卿何不言托輝曰額特埒懦而敗事阿蘇有才而貪將

為禍基不得已而用敗事猶勝基禍帝曰托輝雖魏徵



不能過但恨吾不及太宗爾然竟以阿蘇為樞密使由是阿蘇銜之九年西園不寧阿蘇奏曰邊隅事大可擇重臣鎮撫帝曰托輝何如阿蘇曰誠如聖旨遂拜西南面招討使阿蘇陰與蕭阿古岱誣奏賊掠漠南牧馬及居民畜產托輝不急追捕罪當死詔免官久之起為托本城節度使未行疽發背卒托輝負氣怒則鬚髯輒張每有大議必毅然決之雖帝有難色未嘗遽已見權貴無少屈竟為阿蘇所陷時人惜之二子曰圖們錫錫阿

蘇死始獲進用

蕭罕扎國舅之族性端簡謹愿動循禮法清寧中為護  
衛太保太康二年遷知北院樞密副使三年經畫西南  
邊天池舊壑立保砦正疆界刻石而還為漢人行宮都  
部署是年秋獵墮馬卒

蕭阿嚕岱字伊實音威部人父寧古仕至紇詳袞阿嚕  
岱少習騎射曉兵法清寧間始仕累遷本部司徒改烏  
爾固德噶勒統軍都監

道宗紀  
作詳袞

太安七年遷山北副部署

九年達勒達博索摩二部來侵屢擊却之加金吾衛上將軍封蘭陵縣公壽隆元年第功加同中書門下平章事進爵郡公改西北路招討使乾統三年坐留宋俘為奴免官後被徵以老疾致仕卒

耶律納延字伊實年額爾奇木博果濟之後父幹常為北剋從伐夏戰歿季父卓克筭始為宿直官累遷至北面林牙咸雍四年

道宗紀  
作三年

拜北院大王改西南面招討使

太康中西北諸部擾邊拜西北路招討使兼行軍都統

平之以功復為北院大王納延敦厚才敏帝以其父幹死王事九歲加諸衛小將軍為題里司徒尋召為宿直官太康三年為約尼剋太安九年為倒塌嶺節度使明年冬北準布叛與招討都監耶律呼哩往討破之納延薦呼哩為漢人行宮副部署壽隆元年復討達勒達博索摩等有功改烏爾固德呼勒部統軍使邊境以寧部民乞留詔許再任乾統六年拜中京留守改北院大王薨納延為人廉介長於理民每有關訟親覈曲直不尚威

嚴常曰凡治人本欲分別是非何事迫脅以立名故所至以惠化稱

耶律辰嘉努字綿辛懿祖弟嚙拉八世孫重熙中補牌  
印郎君坐直日不至降本班耶律仁先薦其健捷授御  
蓋郎君歷鷹坊尚廄四方館副使改圖魯庫皮室詳袞  
會太后生辰進詩獻馴鹿太后嘉獎兄薩布卒辰嘉努  
聞訃不告而去帝怒鞭之清寧初累遷右伊勒希已適  
帝與燕國王射鹿俱中應制進詩帝喜解衣以賜後皇

太子廢帝疑辰嘉努黨附罷之時西北諸部寇邊以為  
烏爾固部節度使行軍都監討諸部擒其酋送於朝偵  
候者見馬蹤意寇至辰嘉努遣報元帥耶律愛努視之  
曰此野馬也將出獵賊至愛努戰歿有司詰案辰嘉努  
不伏詔釋之

按道宗紀壽隆二年諸部平辰嘉努以功加尚書右僕射與本傳異

由是感

激每事竭力後諸部復來侵辰嘉努率兵三往皆克邊  
境遂寧以老告歸不從壽隆六年為南院大王

據道宗紀增

道宗崩為山陵使致仕年八十卒

蕭蘇色字特默五院部人重熙間始仕累遷北院承旨  
彰愍宮使清寧初歷左皮室詳袞右伊勒希巴咸雍四  
年為中京留守

據道宗紀增

五年博和哩部叛蘇色討降之

率其酋長來朝徙北院林牙改南院副部署卒子穆喇  
幹字和琳初補伊勒希巴郎君遷文班太保太康中改  
南京統軍使為右伊勒希巴與樞密使耶律阿蘇論事  
不合出為馬羣太保北部來侵穆喇幹破之以功遷同  
知烏爾固德呼勒統軍仍許便宜行事後以讒毀降領西

北路戍軍復為馬羣太保卒

耶律大悲努字糾堅王子班尼嚕固之後咸雍中為漢

人行宮都部署

據道宗紀增

太康中歷永興建昌宮使右皮

室詳袞會準布叛奉詔招降之壽隆二年拜殿前都點

檢乾統初歷上京留守特哩袞復為都點檢改西南面

招討使請老不許天慶中留守上京領北南樞密院點

檢中丞諸司等事以彰國軍節度使致仕卒大悲努舉

止馴雅好禮儀為時人所稱



蕭罕嘉努

按遼史蕭罕嘉努有三一見文學傳一見天祚本紀一係本傳謹附誌

字固寧

奚長布倫之後性孝友太平中補祇候郎君累遷敦睦

宮使伐夏為左翼都監遷北面林牙俄為南院副部署

賜玉帶改奚六部大王治有聲重熙六年為都部署

據興

宗紀清寧初封韓國公歷南京統軍使北院宣徽使封

蘭陵郡王九年重元亂帝倉卒欲避於北南院與耶律

仁先執轡固諫乃止明旦重元復誘奚獵夫來罕嘉努

獨出諭之曰汝曹去順劾逆徒取族滅何若悔過轉禍

為福獵夫投伏首服以功遷殿前都點檢封荊王賜資  
忠保義奉國竭貞平亂功臣咸雍二年遷西南面招討  
使太康初徙王吳皇太子為伊蘇所構幽於上京罕嘉  
努上書力言其冤不報四年復為西南面招討使例削

一字王爵改王蘭陵薨

按道宗紀咸雍八年罕嘉努知左伊勒希巴事太康初為東北

路統軍使三年加尚父封吳王七月為漢行人宮都部  
署八月薨五年例削一字王爵降蘭陵郡王考其年次  
明係一人而紀  
傳互異如此子楊結終右祇候郎君班詳袞贈同中

書門下平章事

蕭德字特們綽特部人性和易篤學好禮法太平中領  
牌印直宿累遷北院樞密副使數奏詳明多稱旨重熙  
中據耶律庶成傳增詔與林牙耶律庶成修律令改契丹行宮

都部署賜宮戶十有五清寧元年遷同知北院樞密使  
封魯國公帝以德為先朝眷遇拜南府宰相五年轉南  
京統軍使九年復為南府宰相重元之亂摧鋒力戰斬  
尼嚕固首以獻論功封漢王咸雍初告老不許久之加  
尚父致仕卒年七十二

蕭惟信字伊聶綽特部人五世祖錫蘭南府宰相曾祖  
烏爾固中書令祖阿固齊知平州父果巴多智數博覽  
古今開泰初為北院承旨稍遷右伊勒希巴以幹敏稱  
拜南府宰相累遷倒塌嶺節度使知興中府復為右伊  
勒希巴琳沁誘衆作亂事覺果巴按之止誅首惡餘並  
釋之歸奏稱旨終南院大王

據道宗紀增

惟信資沉毅篤志

于學能辨論重熙初始仕累遷左中丞十五年徙燕趙  
國王傅帝諭之曰燕趙左右多面諛不聞忠言寢以成

性汝當以道規誨使知君父之義有不可處王邸者以  
名聞惟信輔導以禮十七年遷北院樞密副使坐事免  
官尋復職兼北面林牙十八年使宋告伐夏

據西夏  
外紀增

寧九年重元作亂惟信從耶律仁先破之賜竭忠定亂

功臣加太子太傅

據道宗  
紀增

咸雍間歷南京留守左右伊

勒希已知北南兩院樞密使事七年為南府宰相兼契

丹行宮都部署太康中以老乞骸骨不聽樞密使耶律

伊蘇譖廢太子中外知其冤無敢言者惟信數廷爭不

得復告老加守司徒卒

蕭約音努字布當奚六部詳袞圖魯卜六世孫父巴爾  
三歲居父母喪毀瘠過甚養於家奴錫喇布重熙初興  
宗獵奚山過巴爾所居錫喇布言於近臣巴爾得入見  
年甫十歲氣象如成人帝悅之錫賚甚厚既長有遠志  
不樂仕進隱於奚王嶺之察克谷帝以其名家又有時  
譽就拜錫里軍詳袞約音努貌偉言辨通遼漢文字善  
騎射擊鞠所交皆一時名士年四十始為護衛卒重元

之亂以功遷護衛太保改本部南寇俄為旗鼓伊喇詳  
袞拜五蕃部節度使卒子揚阿

揚阿字稍隱端毅簡嚴識遼漢字通天文相法父卒自  
五蕃部親挽喪車至奚王嶺人稱其孝年十九為本班  
郎君歷鐵林鐵鷄大鷹三軍詳袞乾統元年由烏爾固  
德呼勒部屯田太保為易州刺史幸臣劉彥良嘗以事至  
州怙寵恣橫為揚阿所沮彥良歸妄加毀訾尋遣人代  
揚阿州民千餘詣闕請留授武安州觀察使歷烏爾固

聶埒順義彰信等軍節度使權知東北路統軍使事耶律朗布都勒幹等叛獨引麾下三十餘人追捕之身被二創生擒十餘人送之行在坐不獲首惡免官未幾權南京留守卒

耶律迪里字薩蘭採訪叟厚五世孫寬厚好學工文詞重熙末補牌印郎君兼知起居注清寧元年稍遷同知永州事禁盜有功改北面林牙承旨九年重元作亂迪里赴援力戰平之遙授臨海軍節度使十年徙武安州



觀察使咸雍五年累遷長寧宮使檢括戶部司立出納  
經畫法公私便之太康四年為南院大王秩滿部民請  
留同知南京留守事有疾命乘傳赴闕遣太醫視之遷  
上京大安中改塔布城節度使以疾致仕加兼侍中賜  
一品俸八年卒

姚景行始名景禧祖漢英本周將應歷初來聘用敵國  
禮帝怒留之隸漢人宮分及景行既貴始出籍貫興中  
縣景行博學重熙五年擢進士乙科為將作監改燕趙

國王教授不數年至翰林學士樞密副使參知政事性敦厚廉直人望歸之道宗即位多被顧問為北府宰相九年秋告歸道聞重元亂收集行旅得三百餘騎勤王比至賊已平帝嘉其忠賜以逆人財產咸雍元年出為武定軍節度使明年拜南院樞密使帝有意伐宋召景行問曰宋人好生邊事如何對曰自聖宗皇帝以威德懷遠宋修職貢迨今幾六十年若以細故用兵恐違先帝成約帝然其言而止致仕不踰月復舊職丁家艱起

復兼中書令帝問古今儒士優劣占對稱旨知興中府  
改朔方軍節度使太康初徙鎮遼興以上京多滯獄命  
為留守不數月以獄空聞累乞致政不從復請乃許之  
加守太師卒追封柳城郡王謚文憲壽隆五年詔為立  
祠

欽定續通志卷四百二十一